



NOGOMETNI/FUDBALSKI SAVEZ BOSNE I HERCEGOVINE
НОГОМЕТНИ/ФУДБАЛСКИ САВЕЗ БОСНЕ И ХЕРЦЕГОВИНЕ
BOSNIA AND HERZEGOVINA FOOTBALL FEDERATION

Ferhadija 30, 71000 Sarajevo
Bosna i Hercegovina
Telefon: +387 33 276 676
Fax: +387 33 444 332
www.nfsbih.ba



Broj: 02-2050-4/18
Sarajevo, 19.06.2018. godine

Na osnovu člana 35. Statuta Nogometnog/Fudbalskog saveza Bosne i Hercegovine, a u skladu sa članovima 108.-110. Pravilnika o registraciji, statusu i transferu igrača NS/FS BiH, Izvršni odbor Nogometnog/Fudbalskog saveza Bosne i Hercegovine, na sjednici održanoj 19.06.2018. godine u Sarajevu donosi **s l i j e d e ć u**

ODLUKU o naknadama za treniranje igrača

Član 1.

Ovom Odlukom utvrđuje se način obračunavanja visine naknada za treniranje igrača na koje klubovi imaju pravo u skladu sa Pravilnikom o registraciji, statusu i transferu igrača NS/FS BiH.

Član 2.

Naknada za treniranje igrača isplaćuje se za treniranje igrača od 12 (dvanaest) do navršene 21 (dvadesetprve) godine života igrača, i to prilikom potpisa prvog profesionalnog ugovora do navršene 23 (dvadesettreće) godine.

U koliko igrač potpisuje prvi put profesionalni ugovor naknada se isplaćuje svim prethodnim klubovima, razmjerno vremenu provedenom u tim klubovima.

Kada igrač potpisuje naredne profesionalne ugovore, naknada za treniranje se isplaćuje samo prethodnom klubu.

Član 3.

Pravo na naknadu imaju klubovi za igrače koji prelaze u klubove I (prve) kategorije (Premijer liga BiH) i klubove II (druge) kategorije (prva liga NS F BiH i Prva liga FS RS).

Naknada se izračunava na period od godinu dana i na period od pola godine.

Član 4.

Zahtjev za naknadu se može podnijeti najkasnije u roku od 2 (dvije) godine od dana potpisanog ugovora.



Član 5.

Ukoliko igrač prelazi u klub Premijer lige BiH i zaključi prvi profesionalni ugovor, naknada za treniranje igrača po godini provedenoj u klubu iznosi:

- 1) Za igrače od navršene 12 (dvanaeste) do navršene 15 (petnaeste) godine života:
 - a) ukoliko igrač dolazi iz kluba IV (četvrte) kategorije (klubovi kantonalnih/županijskih, područnih i opštinskih liga, a koji imaju takmičarsku kategoriju seniora u datoj sezoni; u daljnjem tekstu: ostali klubovi) –
1.500,00 KM
 - b) ukoliko igrač dolazi iz kluba III (treće) kategorije (klubovi druge lige) –
2.500,00 KM
 - c) ukoliko igrač dolazi iz kluba II (druge) kategorije (klubovi Prve lige NS F BiH i Prve lige FS republike Srpske; u daljnjem tekstu: klubovi entitetskih liga) –
3.000,00 KM
 - d) ukoliko igrač dolazi iz kluba I (prve) kategorije (klubovi Premijer lige BiH) –
4.000,00 KM
- 2) Za igrače od navršene 15 (petnaeste) do navršene 18 (osamnaeste) godine života:
 - a) ukoliko igrač dolazi iz kluba IV (četvrte) kategorije -
2.500,00 KM
 - b) ukoliko igrač dolazi iz kluba III (treće) kategorije -
3.000,00 KM
 - c) ukoliko igrač dolazi iz kluba II (druge) kategorije -
4.000,00 KM
 - d) ukoliko igrač dolazi iz kluba I (prve) kategorije -
5.000,00 KM
- 3) Za igrače od navršene 18 (osamnaeste) do navršene 21 (dvadesetprve) godine života:
 - a) ukoliko igrač dolazi iz kluba IV (četvrte) kategorije -
4.000,00 KM
 - b) ukoliko igrač dolazi iz kluba III (treće) kategorije -
5.000,00 KM
 - c) ukoliko igrač dolazi iz kluba II (druge) kategorije -
7.000,00 KM
 - d) ukoliko igrač dolazi iz kluba I (prve) kategorije -
8.000,00 KM

Član 6.

Ukoliko igrač prelazi u klub prve lige NS F BiH ili prve lige FS RS i s tim klubom zaključi profesionalni ugovor, naknada za treniranje igrača iznosi 80% od iznosa navedenih u čl. 5. ove Odluke.

Član 7.

Naknade iz čl. 5. i čl. 6. ove Odluke povećavaju se za 30% za igrače koji su u posljednje dvije takmičarske godine nastupili za „A“ reprezentaciju BiH na najmanje dvije utakmice u kvalifikacijama ili završnim takmičenjima svjetskog ili europskog prvenstva.

Naknade iz čl. 5. i čl. 6. ove Odluke povećavaju se za 15% za igrače koji su u posljednje dvije takmičarske godine nastupili za ostale reprezentacije BiH u velikom fudbalu na najmanje dvije utakmice u kvalifikacijama ili završnim takmičenjima svjetskog prvenstva i olimpijskih igara.

Pod nastupom igrača iz stava 1. i 2. ovog članka smatraju se igrači koji su počeli utakmicu, kao i igrači koji su ulazili u igru tokom utakmice.

Član 8.

Povećanje naknade u smislu člana 7. ove Odluke može se vršiti samo po jednom osnovu.

Član 9.

Odluka stupa na snagu i primjenjuje se danom donošenja.

Član 10.

Stupanjem na snagu ove Odluke prestaje važiti Odluka Izvršnog odbora o naknadama za treniranje igrača br. 02-3810-3/17 od 04.01.2017. godine.



PREDSJEDNIK

Elvedin Begić